



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj:11-07-2-6795-1/10

Datum: 30. 12. 2010 godine

Zapisnik sa 19. sjednice Vijeća za statistiku BiH

Dana 29. 12. 2010. godine u prostorijama Agencije za statistiku Bosne i Hercegovine, održana je 19 sjednica Vijeća za statistiku BiH.

Sastanku su prisustvovali:

gđa. prof. dr. Rabija Somun, predsjedavajući Vijeća za statistiku BiH;

gđin. Zdenko Milinović, direktor Agencije za statistiku BiH;

gđin. Fadil Fatić, zamjenik direktora Agencije za statistiku;

gđin. Derviš Đurđević, direktor Federalnog zavoda za statistiku;

član Vijeća gđa. Senija Fačić;

član Vijeća gđin. Nedjeljko Veselinović;

član Vijeća gđa. Ljerka Marić;

član Vijeća gđin. Amir Hadžiomerađić

Sjednici nisu prisustvovali: gđa. Slavka Popović zamjenica direktora Agencije za statistiku BiH, gđa. Radmila Čičković, direktor Republičkog zavoda za statistiku RS i gđin. prof. dr. Mladen Bevanda.

Tačke dnevnog reda:

1. Usvajanje Zapisnika za prethodne sjednice Vijeća za statistiku BiH
2. Prijedlog Odluke o formiranju Interresorne radne skupine za izradu prijedloga klasifikacije prostornih jedinica za statistiku u Bosni i Hercegovini
3. Izmjene Zakona o statistici Bosne i Hercegovine

Predsjedavajući Vijeća za statistiku BiH, gđa. prof. dr. Rabija Somun je održala uvodnu riječ i utvrdila postojanje kvoruma. Dnevni red je jednoglasno usvojen sa napomenom da se druga tačka dnevnog reda ispravi odnosno, preciznije napiše tačan naziv iste.

Zaključci:

1. Na zapisnik sa predhodne sjednice Vijeća gospodin Derviš Đurđević je iznio niz primjedbe i prijedloga a sve u cilju efikasnijeg rada Vijeća za statistiku Bosne i Hercegovine. Naime, gospodin Derviš Đurđević je naveo da zapisnici moraju biti opširniji i potpuniji u skladu sa Pravilnikom o radu Vijeća za statistiku BiH. Između ostalog zapisnici trebaju biti dostavljeni članovima Vijeća u roku od deset dana od dana održavanja sjednice. Predložio je da se svaka sjednica snima, kako bi u arhivi postojao i audio zapis sjednice, kako bi se isti na zahtjev nekog od članova, mogao preslušati i izdvojiti neko od mišljenja članova ukoliko se ukaže potreba za tim.

Gospođa prof. dr. Rabija Somun, predsjedavajući Vijeća za statistiku BiH, napomenula je da se u sljedeće zapisnike stavlja kao posljednja tačka: Razno. Gospodin Milinović je zatražio od članova Vijeća da rade sukladno svom mandatu, kao savjetodavno tijelo direktora, a ne sa pozicije „Upravnog ili Nadzornog odbora“

-Uz preporuku da se sljedeće sjednice Vijeća snimaju, primjedbe i obrazloženja te prijedloge za efikasniji budući rad Vijeća prihvaćen je i usvojen zapisnik sa 18. Sjednice Vijeća za statistiku BiH.

2. Direktor Agencije za statistiku BiH gospodin Zdenko Milinović, iznio je kratak osvrt vezano za raspravu na temu donošenja Odluke o formiranju se Interresorne radne skupine za izradu Prijedloga klasifikacije prostornih jedinica za statistiku u Bosni i Hercegovini, koja je već vođena na predhodnim sjednicama Vijeća. Članovi Vijeća su iznijeli svoje stavove vezano za ovu temu. Gospođa Radmila Čičković, direktor Republičkog zavoda za statistiku RS, nije prisustvovala ovoj sjednici ali se pismeno izjasnila da ostaje pri svome stavu, da Odluka o formiranju Interresorne radne skupine za izradu Prijedloga klasifikacije prostornih jedinica za statistiku u Bosni i Hercegovini, još ne treba da ide u proceduru ka Vijeću ministara BiH. Agencija za statistiku Bosne i Hercegovine ima obavezu i odgovornost ka Europskoj komisiji o upućivanju prijedloga Odluke o formiranju se Interresorne radne skupine za izradu Prijedloga klasifikacije prostornih jedinica za statistiku u Bosni i Hercegovini u proceduru, Vijeću ministara BiH, a na Vijeću ministara BiH je odgovornost za daljnju proceduru oko iste.

Zaključak po ovoj tački dnevnog reda je da svi prisutni smatraju da prijedlog Odluke o formiranju se Interresorne radne skupine za izradu Prijedloga klasifikacije prostornih jedinica za statistiku u Bosni i Hercegovini, bude upućen u proceduru ka Vijeću ministara BiH, uz naznaku Vijeću ministara BiH, u koliko smatraju da postoji potreba daju svoje prijedloge i eventualne dopune članova u ovoj radnoj skupini.

3. Kao i po drugoj tački dnevnog reda direktor Agencije za statistiku BiH gospodin Zdenko Milinović, podsjetio je prisutne o raspravama i iznesenim stavovima vezano za Izmjene Zakon o statistici Bosne i Hercegovine. Takođe je naglasio bitnost ovih izmjena za daljnji rad Agencije za statistiku i usaglašavanje istog sa Međunarodnim standardima. Kako je Zakon o izmjenama Zakon o statistici Bosne i Hercegovine, bio tema predhodnih

sjednica Vijeća napomenuo je da su ostale sporne dvije tačke pomenutog zakona te da se treba definisati stav Vijeća za statistiku BiH o istim.

Direktor Agencije za statistiku BiH gospodin Zdenko Milinović upoznao je prisutne sa dogovorenim stavovima sa usmenog sastanka (bez zapisnika), tri statističke institucije koji je održan u devetom mjesecu u Neumu, gdje je gospođa Radmila Čičković, direktor Republičkog zavoda za statistiku RS tražila da se u članu 2. Zakon o izmjenama Zakon o statistici Bosne i Hercegovine ispred riječi „**administrativnih**“ briše riječ „**svih**“ i da se **odnosi samo za razinu Bosne i Hercegovine a ne i entiteta**. Gospodin Zdenko Milinović je prihvatio prijedlog gospođe Radmile Čičković da se briše riječ svi, ali ne i da se odnosi **samo na razinu BiH** što je suprotno Zakonu o statistici BiH, entitetskim zakonima i Sporazumu potpisanom između direktora statističkih institucija i ministara financija BiH i entiteta. Gospođa Čičković je ostala pri svom stavu tako da nije postignut nikakav dogovor. O naprijed navedenom gospodin Zdenko Milinović je upoznao članove Vijeća za statistiku, te je donesen sljedeći zaključak.

Svi prisutni su glasali ZA brisanje riječi „**svih**“, u članu 2. Zakon o izmjenama Zakon o statistici Bosne i Hercegovine ali i da se ne može odnositi samo na Bosnu i Hercegovinu.

Drugi sporan član po mišljenju gospođe Radmile Čičković je član 8a., ona smatra da se treba brisati nabrojanje registara pojedinačno. Gospodin Zdenko Milinović koji je izvjestio prisutne o stavu gospođe Radmile Čičković, rekao je da je saglasan sa ovom izmjenom.

Gospodin. Derviš Đurđević, direktor Federalnog zavoda za statistiku smatrao je da član 8a, ovog zakona treba dopuniti novom alinejom, koja glasi: Registar prostornih jedinica GIS. Gospodin Derviš Đurđević traži objašnjenje zašto je ovaj registar ispušten iz navedenog člana, obzirom da je isti temeljni registar za provođenje, obradu i publiciranje svih statističkih istraživanja, kao i za uspostavu i vođenje registara kako statističkih, tako i administrativnih registara i baza podataka. Pored toga smatra da ovaj registar predstavlja temelj sistema informisanja jedne zemlje i postavlja pitanje zašto statistika na državnom nivou nije do sada reagovala i pokušala riješiti problem vođenja registara i jedinstvenog šifarskog sistema prostornih jedinica zemlje, koji je iz djelokruga nadležnosti Agencije.

Gospodin Derviš Đurđević traži da mu se na ovo pitanje pismeno odgovori.

Konstatovano je da ovo izlaganje nije u vezi sa trećom tačkom dnevnog reda te se neće razmatrati.

Zaključak je da se u članu 8a. Zakona o izmjenama Zakona o statistici Bosne i Hercegovine, brišu nabrojanja pojedinačnih registara. Ove Izmjene Zakona o statistici Bosne i Hercegovine, biće prilog ovog zapisnika.

Na ovaj zapisnik mogu se dostaviti primjedbe u roku od 5 dana od dana dostavljanja.

Sarajevo, 30. 12. 2010.

Zapisnik sastavila sekretar Vijeća:
Anida Fazlić

Predsjedavajući Vijeća za statistiku
prof.dr. Rabija Somun